



Tužilaštvo - Tužiteljstvo Bosne i Hercegovine  
Тужилаштво Босне и Херцеговине

Broj: T20 0 KT 0027245 25  
Sarajevo, 10.12.2025. godine

Na osnovu člana 35. stav 2. tačke e) i člana 216. stav 3. ZKP-a BiH, donosim:

N A R E D B U  
O NESPROVOĐENJU ISTRAGE

PROTIV: „(...)“, ...

zbog krivičnog djela Izazivanje nacionalne rasne i vjerske mržnje, razdora i netrpeljivosti iz člana 145a. stav 3. Krivičnog zakona Bosne i Hercegovine, jer iz prijave i pratećih spisa očigledno da prijavljeno djelo nije krivično djelo.

**O b r a z l o ž e n j e**

Tužilaštvo BiH je dana ....2025.godine zaprimilo na službeni email Tužilaštva krivičnu prijavu protiv „(...)“ iz B. L. od strane „(...)“, u kojoj se navodi da je „(...)“, koji ima profil na društvenoj mreži ... pod imenom „(...)“, dana ... 2025.godine ispod komentara na objavi profila pod imenom „(...)“ od ...2025.godine pod naslovom: ... , na prethodno postavljeni komentar korisnika ... profila pod imenom „(...)“ koji glasi: „Mene da se pita, uslov za držanje koncerta na teritoriji BiH ili bilo kakvog javnog nastupa zvjezdama i zvjezdicama iz Srbije, bio bi da se na svom profilu javno izjasne šta misle o genocidu u Srebrenici“, odgovorio komentarom na isti: „To može na vaših 23% BiH a u R Srpskoj niste nadležni da donosite ikakve odluke. O genocidu nema pojma, niti se desio“ čime je počinio krivično djelo Izazivanje nacionalne, rasne i vjerske mržnje, razdora i netrpeljivosti iz člana 145a. stav 3. KZ BiH.

Državna agencija za istrage i zaštitu BiH je postupajući po naredbi Tužilaštva BiH od ...2025.godine, dostavila Izvještaj o poduzetim mjerama i radnjama broj: ... od ...godine, sa prilogom, te je izvršen uviđaj i sačinjena fotodokumentacija i fiksiran izgled početne stranice i adrese profila, zatim je fiksirana rubrika ... na predmetnoj stranici, a u navedenoj rubrici se vide informacije vezano

1 / 3

za kontakt i osnovne informacije o istoj. Nakon toga, fiksirana je predmetna objava od ...2025.godine, te je prema vidljivom izjavljena izravno na sajtu ... i podijeljena na ... stranici ..., gdje u opisu objave stoji: ... Može se vidjeti da je u trenutku vršenja uvida navedena objava imala ukupno 19 reakcija svidanja podrškom, negodovanja, te 14 komentara. Nakon toga, fiksirano je nekoliko prvih komentara na navedenu objavu u kojima se nalazi komentar korisnik naloga društvene mreže ... pod imenom „(...)“, koji se navodi kao prijavitelj krivičnog djela, te odgovor na navedeni komentar koji je ostavio korisnik naloga na društvenoj mreži ... pod imenom „(...)“ u kojem je označen korisnik naloga na društvenoj mreži „(...)“ kao neko kome se odgovara na komentar. Komentar korisnika naloga na društvenoj mreži pod imenom „(...)“ glasi: „Mene da se pita, uslov za držanje koncerta na teritoriji BiH ili bilo kakvog javnog nastupa zvijezdama i zvjezdicama iz Srbije, bio bi da se na svom profilu javno izjasne šta misle o genocidu u Srebrenici“, a odgovor koji je postavio korisnik naloga na društvenoj mreži ... pod imenom „(...)“ u tagovanje korisnika naloga na društvenoj mreži kao nekog kome se odgovara na komentar glasi: „To može na vaših 23% BiH a u R Srpskoj niste nadležni da donosite ikakve odluke. O genocidu nema pojma, niti se desio“. Fiksiranisu i ostali komentari na predmetnu objavu, koji glase: „Ulaz zabraniti u BiH“, „Sada pjevaj „(...)“ i „(...)““, „Očekujte duet „(...)“ i „(...)““, „Ova baš pretjerala a puno mlađe se od nje ne skidaju jer su pristojne“, „J... ti magariš š... magariš“, „Gubi se napolje i zabraniti ulaz BiH djubra „(...)““, „Bravo ne treba kučki dati da nogom stane na tlo Bosne“, „Treba je nabit na špic, mamu joj nabijem“, „Kome je uopšte palo na pamet da je pozove na održavanje koncerta??“, „Ko je pozva g... pregrizo“.

Državna agencija za istrage i zaštitu BiH je dana ...2025.godine uvidom u IDDEEA bazu podataka pronašla i identifikovala lice „(...)“, sa kojim su dana ...2025.godine ostvarili kontakt i ispitali ga u svojstvu osumnjičenog na okolnosti predmetne krivične prijave, te je tom prilikom potvrdio da je riječ o njegovom profilu na društvenoj mreži ... pod imenom „(...)“ i da istu koristi već duže vrijeme, ali ne može tačno da se sjeti spornog komentara iz razloga što često komentariše objave na društvenim mrežama, da poštuje sve žrtve i da mu je žao što je pisao sporni komentar i ovom prilikom izražava duboko kajanje zbog svog postupka, naglašavajući da postoji mogućnost da je u trenutcima tog komentarisanja bio pijan i umoran s obzirom da radi teške građevinske poslove pa je moguće bio i isfrustriran komentarom nekog drugog lica.

U svojstvu svjedoka je saslušan „(...)“ i u svojoj izjavi je naveo da posjeduje ... profil pod imenom „(...)“, te da prati razne grupe koje se bave nekim određenim temama, pa je tako u grupi ... koja se bavi običajima u Bosni i Hercegovini, političkim i socijalnim temama koje su aktuelne primijetio objavu koja se odnosi na koncert „(...)“ u S. M. koji je otkazan zbog njenih izjava o Srebrenici. U nastavku objave kritikuju se oni koji su kupili karte za koncert iste, a na navedenoj objavi bio je postavljen veći broj komentara od strane pratilaca, koji su podržavali objavljenu kritiku. Svjedok je takođe postavio svoj komentar na navedenoj objavi i napisao: „Mene da se pita, uslov za držanje koncerta na teritoriji BiH ili bilo kakvog javnog nastupa zvijezdama i zvjezdicama iz Srbije, bio bi da se na svom profilu javno izjasne šta misle o genocidu u Srebrenici“, te je na svoj komentar dobio jedan odgovor od strane korisnika ... profila pod imenom „(...)“ koji glasi: „To možeš na vaših 23% BiH a u R Srpskoj niste nadležni da donosite ikakve odluke. O genocidu nema pojma, niti se desio“. Navedeni odgovor na njegov komentar ga je povrijedio kao individuu i kao ljudsko biće, jer ne može da shvati da pored svih navedenih dokaza i presude suda u Hagu, te pored kažnjivosti negiranja genocida u Srebrenici još uvijek postoje pojedinci koji pokušavaju da demantuju te činjenice i smatra da jedini razlog zbog kojeg to čine je osjećaj mržnje i netrpeljivosti prema drugima. Svjedok je preživio rat u BiH i dobro poznaje posljedice rata, te umjesto da nakon trideset godina pokušamo relaksirati odnose u društvu i u državi, još uvijek postoje pojedinci i organizacije kojima nije do normalnog života u BiH što ga je kao intelektualca i natjeralao da poduzme neki korak u smislu kažnjavanja takvih tendencija koje mogu prouzrokovati loše međuljudske odnose, međunacionalne odnose i netrpeljivost u BiH, te

je uputio krivičnu prijavu Tužilaštvu BiH protiv „(...)“, a dotičnog ne poznaje, niti ga je ikada vidio u životu.

Krivično djelo Izazivanje nacionalne, rasne i vjerske mržnje, razdora ili netrpeljivosti iz člana 145a. stav 3. glasi: „*Ko javno odobri, porekne, grubo umanju ili pokuša opravdati zločin genocida, zločin protiv čovječnosti ili ratni zločin utvrđen pravosnažnom presudom u skladu s Poveljom Međunarodnog vojnog suda pridruženom uz Londonski sporazum od 8. avgusta 1945. ili Međunarodnog krivičnog suda za bivšu Jugoslaviju ili Međunarodnog krivičnog suda ili suda u Bosni i Hercegovini, a usmjereno je protiv grupe lica ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost, i to na način koji bi mogao potaknuti na nasilje ili mržnju usmjerenu protiv takve grupe lica ili člana takve grupe, kazniće se kaznom zatvora od šest mjeseci do pet godina.*“

Iz gore navedenog, proizilazi da izjava prijavljenog ne dostiže potreban i dovoljan nivo koji bi mogao potaknuti na nasilje ili mržnju, usmjerenu protiv grupe osoba ili člana grupe određene s obzirom na rasu, boju kože, vjeroispovijest, porijeklo, ili nacionalnu ili etničku pripadnost, u konkretnom slučaju u odnosu na pripadnike bošnjačkog naroda, te imajući u vidu da je osumnjičeni izjavio da je sporni komentar napisao kao odgovor i reakcija na već prethodno postavljeni komentar na profilu pod imenom ... na društvenoj mreži ..., podnosioca krivične prijave i korisnika ... profila pod imenom „(...)“, isključivo kao rezultat frustracije, bez namjere da ikoga uvrijedi, ne želeći da izazove bilo kakav negativna osjećanja pripadnika drugih naroda koji žive u BiH, te je nesporno utvrđeno da je komentar napisao prijavljeni ali da se iz cjelokupnog sadržaja ostavljenih komentara ne može sa sigurnošću zaključiti da je isti postupao s umišljajem i da su njegove izjave bile objektivno pogodne da bi mogle potaći na nasilje ili mržnju među konstitutivnim narodima i ostalima koji žive ili borave u Bosni i Hercegovini. U kontekstu samog statusa prijavljenog kao ličnosti, ne radi se o javnoj osobi, eminentnoj ličnosti, čiji bi stavovi objavljeni na navedenom portalu na društvenoj mreži ... uopšte mogli dovesti do navedenog krivičnog djela, pa je shodno tome odlučeno kao u dispozitivu naredbe.

Tužilaštvo će, u smislu čl. 216. stav 4. ZKP BiH, u roku od tri dana od dana donošenja odluke obavijestiti podnosioca prijave koji ima pravo podnijeti pritužbu u roku od osam dana od dana prijema obavijesti, uredu Tužioca.

TUŽILAC  
TUŽILAŠTVA/TUŽITELJSTVA BiH